

Wolter van Delen - Schout in Grotebroek

Bron: Het Nationaal Archief

Toegang toeg. 3.01.27.01 Grafelijkheidsrekenkamer inv.nr. 491 fol. 130vso

bladzijde 1

(in de marge): De reces[bep]¹. vanden vernoemde Wouter van Delen staen gescreven in t register mitter zwachte connerture so[] af [bin]

Scoutambt van Grootebrouck up Wouter van Delen

Marie bij der gracie Goids hertoghinne van Bourgoingnen², van Lotharingen, van Brabant, van van Limburgh, van Lucembourch ende van Gelre, Gravinne van Vlaenderen, van Artoys van Bourgognen, Palatine van Henegauwe, van Hollant, van Zeelant, van Namen, ende van Zuytphen, Marcgravinne des Heylichen Rijcx, Vrouwe van Vrieslant, van Salms ende van Mechelen. Allen den genen die dese onsen [brevens]³ sullen sien of hoeren lesen, saluut. Alsoe bij doode en overlijdene van wijlen onsen herde⁴, lieven ende welgeminden here ende vadere zaeleger gedachten, ons aengecommen is ende toebehoert die ghifte ende dispositie⁵ van den officien⁶ van allen onsen landen ende heerlicheden. Soe ist dat wij om tgoede rapport

¹ bepalingen?

² (Brussel, 13 februari 1457 – Brugge, 27 maart 1482). Na de dood van haar vader Karel de Stoute (in 1477) werd zij hertogin.

³ dit kan ik alleen met wat fantasie van maken. Er kan ook *lieren* gelezen worden (maar wat dat mag betekenen??)

⁴ zeer

⁵ beschikking

⁶ ambten, diensten (dus: uitgeven en beschikken van ambten)

dat ons gedaen is vanden parsoon van Wouter van Delen, betrouwende
sijnre reckelicheyt⁷, duegdt ende goede neersticheyt⁸, den selven Wouter
gegonnen ende gegeven hebben, gonnen ende geven mit desen onsen brieve
onse scoutambocht van Grootebrouck, mit *sijnen* gevolge ende toebehoeren *omme*
dat wel ende getrauwelicken van onsen wege bij hem ofte *sijnen* gecommiteerden
bedient, bewaert⁹ ende geregiert te wesen. Geven yegelijck rechte ende justicy te
administreren ende voirt alle te doen dat een goet *ende* getrauwe scout sculdich
ende gehouden is te doen, tot sulken vrijheden, rechten, prouffijten vervallen ende
emolumenten¹⁰ als daer toe behoeren, ende *ander* sijne voirsacten scoutten¹¹ gehad ende
gewoenlic sijn te hebben ende dat alsoe lange als ons believen sal. Ende
van den bruecken¹² ende boeten, die in onse *voirscreven* scoutambocht vallen *ende* *verschijnen*
sullen, daer van soe sal de *voirscreven* Wouter gehouden wesen ons goede, deuchdelicke
rekinge¹³, betaeling *ende* bewisinge te doen, voer onsen lieven ende getrauwen
die luyden van *onsen* rekinge¹⁴ van onsen *voirscreven* landen van Hollant tot allen
tijden, als hij des vermaent sal wesen. Ende van dat alsoe te doen
ende om onse *voirscreven* scoutambocht wel ende getrauwelicken te dienen *ende*
te naeren¹⁵, die *voirscreven* Wouter sal oick gehouden wesen den behoerlicken eedt te
doen, dair *ende* alsoe dat behoeren sal. Ontbieden¹⁶ dair*omme* ende
bevelen onsen lieven ende getrauwen Stadhouders ende Raeden onsen lander¹⁷
van Hollant, Zeelant *ende* Vrieslant *voirscreven*, onsen Rentmeester van onsen *voirscreven*

⁷ rechtschapenheid

⁸ ijver, volhardendheid

⁹ gecontroleerd

¹⁰ voordelen, baten

¹¹ en wat zijn voorgangers schouten hebben gehad

¹² boeten

¹³ afrekening

¹⁴ hier: rekenkamer?

¹⁵ ? = neren (als bedrijf uitoefenen), ? = nakomen

¹⁶ berichten, doen weten

¹⁷ kan ook zijn: landen

landen van Vrieslant ende voirt allen anderen onsen officyen, justicien ende

bladzijde 2

onderzaeten, wien dit aengaen mach, dat gedaen wesende den behoirlicken eedt bij den *voirnoemde* Wouter van Delen, sij hem setten ende stellen oft doen stellen ende in die possessie¹⁸ ende scoutambte van Grootbrouck *voirscreven* mit sijnen toebehoeren om dair van mitgaders vanden rechten, vrijheden, proffijten ende vervallen rustelic ende vredelic doen *ende* laeten gebruycken ende useeren¹⁹ sonder hem dairinne te doen of te laeten geschien eenige hinder of ongebruyck²⁰ ter contrarie²¹ want²² het ons alsoe belieft gedaen te hebben in kennisse van onsen zegel hier an uuythangende. Gegeven in onse stede van Luevene upten xxvi^{en} dach van meije int jaer ons heren duust CCCC zeven *ende* tzeventich. Aldus geteykent bij mijner Vrouwe der Hertoghinne [P.] de Pro[nnen]²³. Ende upten den rugge vanden desen brieve staet gescreven tgeent dat hiernaevolcht. Upten lesten dach van julio *anno* xiiii^c lxxvii, soe dede Wouter van Delen genoemt aen dander zijde den behoirlicken eedt vanden scoutambocht van Grootbrouck, in handen Jan van Assend fs²⁴ Rentmeester van Vrieslant. [Ic] des t oircondensoe hebbe²⁵ Jan van Assendelf mijn handteykeninge hiro onder gescreven, upten dach ende int jaer als voeren. Aldus geteykent, J. Dassendelf

(hierna staat op deze bladzijde een benoeming van Egbert van Schoonhoven)

¹⁸ bezit

¹⁹ toepassen

²⁰ inbreuk, storing

²¹ integendeel

²² omdat

²³ hier eindigt de open brief en staat de naam van de schrijver ervan vermeld.

²⁴ Assendelfts

²⁵ ter getuigenis hiervan heb ik